


Proyecto di Baby Beach lo wordo entrega na tempo y sin pasa e presupuesto di 1.7 miyon

ORANJESTAD (AAN) – Den entrevista cu señor David Britten, representante di e compania BIC NV cu ta e contratista principal cu ta trahando riba e proyecto di Baby Beach.

E compania aki a participa den e destaho publico desde luna di Maart pa April caba, y nan a gane y a cuminsa di biaha traha riba dje.

El a declara cu nan ta asina leu cu nan ta premira cu aki dos pa tres siman por entrega e proyecto. Tin cosnan cu ainda mester drecha y cu nan ta trahando riba dje, y tambe riba otro aspectonan di e proyecto mes, pero tur cos ta bayendo bon.

E ta na haltura cu ELMAR ta bin diahuebs awor pa haci e trabao' cu nan mester haci, pero nan ta premira cu lo caba na tempo y dentro di e presupuesto cu nan a palabra cu DOWE fecha pa caba e proyecto ta dia 6 di September si no surgi algun dia extra mirando cu tin trabaonan di utilidad cu mester tuma lugar.



E proyecto aki ta yama embeyecimento di Baby Beach y e trabao di BIC NV a consisti di traha e camindanan di beton, cu gobièrno a scoge debi na e awa di salo cu tin cerca. Nan a uza beton cu fibra den dje pa proteha esaki, y tambe a agrega diferente stacionamento di auto pa e usarionan por para mas facil, y fuera di esey a pone klinkers rond y matanan pa haci e lugar mas bunita, y un punto importante di esnan cu a pensa e proyecto aki ta cu a tene debido cuenta cu e usarionan cu ta uza roll-

stoel, cu camindanan habri pa nan pa nan tambe por haci bon uso di e bunita beach aki.

Ta trata aki di un proyecto di 1.7 miyon cu e compania ta trata di keda na dje. Basta trahador a wordo involvi den e diferente aspectonan di e proyecto pa e keda dentro di e estetica di lama, señor Britten a relata.

Tur instancia involvi a traha den bon cooperacion cu otro, pa asina e proyecto aki pasa riba tur reto, cu semper ta presenta den construccin, na un manera exitoso.

Operador di tour-bus Johnny Angela sumamente contento cu proyecto di Baby Beach

ORANJESTAD (AAN) – Señor Johnny Angela ta un habitante di Lago Heights y tambe operador di tour-bus, ken den entrevista cu Matutino DIARIO a conta nos kico Baby Beach ta nifica pe, y con e ta mira e cambionan cu ta tumando lugar eyriba.

Sr. Angela a relata cu for di chikito e tabata cana for di Colony te Baby Beach, y e ta stima e lugar aki. E ta mira como un joya di proyecto e renovacion di e beach aki.

El a menciona cu e ta bin pisca akinan y na Royer's Beach, y e ta contento cu e proyecto aki di Minister Otmar Oduber cu ta sigui haci un bon trabao pa Aruba.

El a menciona cu awe el a lesa den corant cu turismo di crusero a baha na 6.4 porcierto, pero e no ta kere esaki pasobra e mes ta traha den e sector aki y si antes tabata tin bishita di dos barco pa luna awor ta diesdos barco pa luna ta bin Aruba y nos no tin mas "low season".

E hendenan cu a informa esaki ta non sense nan ta papia pasobra mas bien turismo a aumenta e temporada aki. Sr. Angela a remarca cu e ultimo dos simannan no tabata tin suficiente bus di turismo ni taxi, pa tuma turistanan pa hiba nan lama.

Esnan cu ta traha den operacion di busnan di turismo awor por come y den low season, nan tin rosea, ta palabranan di sr. Johnny Angela.